



Nagrađeni najbolji pripadnici Državne agencije za istrage i zaštitu

Radončić: SIPA je postala bosanski FBI

Iduća godina mora biti prijelomna u borbi protiv sistemske korupcije i organiziranog kriminala, poručio Radončić • Zubac: Za nas nema nedodirljivih

M. ASCIC

Ko su dobitnici priznanja Reljefni amblem i ministru

U službenim prostorijama Državne agencije za istrage i zaštitu (SIPA) u Sarajevu jučer je održana ceremonija dodjele priznanja Ministarstva sigurnosti BiH i SIPA-e policijskim službenicima nagrađenim za izuzetne rezultate rada u 2013. godini.

Spremni za iskorak

Policijsku medalju za hrabrost, Zlatnu policijsku značku i Srebrnu policijsku značku nagrađenima je uručio državni ministar sigurnosti Fahrudin Radončić, dok je priznanja Državne agencije za istrage i zaštitu, Reljefni amblem SIPA-e, najboljim službenicima uručio direktor Agencije Goran Zubac.

Ministar Radončić, govoreći o rezultatima SIPA-e u 2013. godini, rekao je da je ova agencija postala veliki brand i agencija koja pokazuje briljantne rezultate.

FBI-i mislim da je protekla godina, pa i izrečene dugogodišnje robije, oduzimanje imovine, pokazala s koliko efikasnosti, entuzijazma i profesionalizma ova agencija za ponos radi svoj posao - rekao je Radončić.

Dodao je da iduća godina mora biti prijelomna u borbi protiv sistemske korupcije i organiziranog kriminala.

- Evropska unija te očekuje od nas. Vidjeli ste, sve su nas zemlje u poglavlju 23. i 24., praktično, pretekle

i moramo kao sve agencije za provođenje zakona, tužilaštva i sudovi napraviti taj

iskorak koji će ovu zemlju skloniti s prvog mjesta po korupciji u Evropi. Vjerujem da smo, kada vidite danas atmosferu u SIPA-i, mi kao sigurnosne strukture apsolutno spremni za taj iskorak - rekao je Radončić.

Obraćaju se dobitnicima priznanja, bh. ministar sigurnosti izjavio je da je SIPA postala naša vodeća agencija u borbi protiv najtežih oblika organiziranog kriminala i korupcije.

- Dovoljno je osvrnuti se samo godinu-dvije unazad, kada je razbijeno nekoliko najozloglašenijih kriminalnih grupa, riješeno više teških predmeta i ubistava koji su godinama opterećivali ne samo policijske strukture nego javnost i sigurnosno okruženje BiH - rekao je Radončić.

Evropski put

Naglasio je da je SIPA postala pouzdan partner policijama najrazvijenijih evropskih zemalja, što je rezultat profesionalnog rada ove agencije.

Direktor SIPA-e Zubac u obraćanju novinarima rekao je da je ova agencija ispunila sve zacrtane ciljeve, koje su prije nepune dvije godine javno obećali.

- Nagrađeni pripadnici SIPA-e pokazali su da su dio



Razmjena priznanja direktora SIPA-e i ministra

tima kojem je moto da „niko nije iznad zakona“. Riječ je o ljudima koji će u budućnosti voditi najsloženije istrage, a ova država to će od nas sigurno zahtijevati s obzirom na evropske puteve. Postigli smo bolje rezultate nego prošle godine, a to ćemo nastaviti i u narednom periodu. Ovo je tim koji je sposoban i može završiti bilo koji zadatak. Za nas nema nedodirljivih - rekao je Zubac.

Bitku završava samo timski rad

- Prošlu godinu završili smo s rezultatima koji su najbolji rezultati SIPA-e i mnogi su rekli da se tu rezultati ne mogu više ponoviti. I dalje ćemo biti veoma principijelni u provođenju naših stavova i vjerujem da je to dobitna kombinacija. Pojedinci nikada ne mogu igrati igru, a bitku završavaju samo timovi i timski rad - rekao je

jučer Zubac.

Odlukom direktora Gorana Zubca, Reljefni amblem SIPA-e uručen je Anđelku Hrgiću, Mirzi Lišinoviću, Jovici Mirosavljeviću, Darku Avramu i Dženanu Mandiću.

Sat s pohvalom dohile su Halida Pašalić i Nermina Ješković.

Ministar sigurnosti BiH uručio je jučer direktoru SIPA-e Goranu Zubcu priznanje za izuzetan i požrtvovan doprinos u radu Agencije, nakon čega je i Zubac uručio Radončiću Reljefni amblem SIPA-e, najviše priznanje Agencije za doprinos u izgradnji i jačanju sveukupnih kapaciteta.

značka uručena je Aneru Hadžimahmutoviću, Ameru Veizu, Slađenkun Čerkuzu, Novaku Mijoviću, Daliboru Miloševiću, Draganu Andriću, Jusufu Avdišpačiću, Ljubišii Pandureviću, Kristini Jozić, Dženani Omerhodžić, Faruku Berbiću, Igoru Babiću, Davoru Jovoviću i Robertu Ristiću.

Priznanje ministra sigurnosti BiH - Policijska medalja za hrabrost uručena je Vahidinu Šahinpašiću, dok su Zlatnu policijsku značku dobili Jasmin Gogić, Duško Drljača, Zoran Gotovac, Mario Kapetanović, Borislav Čvoro, i Igor Kujača.

Srebrna policijska

Page: 4

Reach: 50000

Country: BOSNIA AND HERZEGOVINA

Size: 563 cm2

2 / 2

